



**AWIG-AWIG
DESA ADAT DAUSA**



KAMEDALANG OLIH :
**KRAMA DESA ADAT DAUSA
KECAMATAN KINTAMANI
KABUPATEN DAERAH TINGKAT II BANGLI
WARSA 1993**

PIDAGING

MARA BANTANG AWIG-AWIG DESA ADAT DAUSA

MURDA CITTA	WIDANG
BARGA I ARAN LAN WEWIDANGAN DESA	1
BARGA II PISTITIS LAN PAMIKUKUH	2
BARGA III SUKERTA TATA PAKRAMAN	2
Palet 1 Indik Krama	2
Palet 2 Prajuru lan Dulun Desa	5
Palet 3 Rombug Desa Adat	7
Palet 4 Indik Kulkul	8
Palet 5 Indik Paruman	9
Palet 6 Indik Druwen Desa	11
Palet 6 Sukerta Pamitegep	12
Kaping 1 Karang lan Tegal	12
Kaping 2 Pepayonan	13
Kaping 3 Wewenguran	14
Kaping 4 Wewalungan	14
Kaping 5 Bhaya	15
Kaping 6 Penyanggran Desa	16
Kaping 7 Indik Pariwerthi	16
BARGA IV SUKERTA TATA AGAMA	17
Palet 1 Indik Dewa Yadnya	17
Palet 2 Indik Rai Yadnya	21
Palet 3 Indik Pitra Yadnya	21
Palet 4 Indik Manusa Yadnya	26
Palet 5 Indik Bhuta Yadnya	27
SARGA V	

SARGA	V	SUKERTA TATA PAWONGAN	29
		Palet 1 Indik Pawiwahan	29
		Palet 2 Indik Nyapian	31
		Palet 3 Indik Sentana	33
		Palet 4 Indik Warisan	35
SARGA	VI	WICARA LAN PAMIDANDA	37
		Palet 1 Indik Wicara	37
		Palet 2 Indik Pamidanda	38
		Palet 3 Indik Rerampagan	38
SARGA	VII	NGUWUH-NGUWUHIN AWIG-AWIG	39
SARGA	VIII	P A M U P U T	40

MURDHA - CITTA

Om Awignamastu nama sidham,

Putusing Paseban Krama Desa Adat Dausa gumawe
Awig - Awig Desa Pekraman maka sepat siku - siku pamatut, wastu
kasidan Prayojanan Mami kabeh presana angidepaken muah
amanggehaken kadi lingging Awig - Awig iki.

Desa Adat wantah marupa pasayuban Krama Desa rauhing kula
warga pawongannya, manut dresta Desa kemanggehang Bhuana Agung,
pawongannya soang - soang pinaka Bhuana Alit, kalih malarapan
canta Jagathita, sinanggeh murdhaning prayojana pangriptaning
Awig - Awig.

SARGA I

ARAN LAN WEWIDANGAN DESA

Pawos 1

- (1) Desa Adat puniki mewasta Desa Adat Dausa .
- (2) Jebar Kakuwub wewidangannya mewates nyatur :
 - a. Sisih Wetan Desa Adat Cenigayan lan Desa Adat Panti ;
 - b. Sisih Kulon Desa Adat Bantang Kedis ;
 - c. Sisih Lor Desa Adat Bantang;
 - d. Sisih Kidul Desa Adat Lateng.
- (3) Desa Adat puniki Kawangun antuk Warga Desa Adat sane sampun mejangkepan (merabian) turmaning kepah dados 4 (petang) bebanjaran , soang - soang sinanggeh tempekan luwire :
 - 1) a. Tempek Banjar Asah muah Banjar Pande ;
 - 2) b. Tempek Banjar DAUSA
 - 3) c. Tempek Banjar Desa Kangin Margi Kelod
 - d. Tempek Banjar Desa Kauh Margi.

SARGA II

SARGA II

PETITIS LAN PAMIKUKUH

Pawos 2

Desa Adat Dausa ngemanggehang Pamikukuh minakadi :

- a. Pancasila ;
- b. Undang - Undang Dasar 1945 ;
- c. Tri Hita Karana manut sada cara Agama Hindu.

Pawos 3

Luir patitis Desa Adat Dausa :

- a. Mikukuhang miwah ngerajegang sang Hyang Agama ;
- b. Nginggilang tata prawertine meagama ;
- c. Ngerajegang pasukertan Desa saha pawongannya sekala kelawan niskala ;
- d. Mikukuhin Awig - Awig, pararem lan pasuara.

SARGA III

SUKERTA TATA PEKRAMAN

Palet 1

Indik Krama

Pawos 4

- (1) Sehanan sang jenek mapaumahan ring Desa Adat Dausa sane meagama Hindu tur nyungkemin Kahyangan Tiga sinanggeh Warga Desa Adat Dausa.
- (2) Sejaba punika sinanggeh tamiu.

Pawos 5

Krama Desa wenten 3 (tigang) Pawos lwire :

a. Krama

- a. Krama ngarep, inggih punika Krama Ulu Apad sane medasar antuk Nulud Dapuh ;
- b. Krama Sampingan, sane mawiwit Desa Adat siosan sangkaning nyepih tanah karang utawi tegal Krama Desa utawi nyakap ring wewengkon Desa Adat Dausa, tios ring punika manut perarem ;
- c. Sekaa Teruna Kulawarga sane ngawit mayusa 13 (telulas) wara ngantos dereng mawiwaha tios ring punika manut perarem.

Pawos 6

Ngawit dados Krama Desa :

- a. Sangkaning mawiwit pawiwahan (merobian) ;
- b. Sangkaning nyepih utawi nyakap tanah (tanah tegal utawi pekarangan) Druwe Krama ;
- d. Sangkaning pinunas ngeraga utawi sangkaning jenek mapaumahan tampek wewidangan Desa Adat Dausa saha kacumponin olih Krama miwah Prajuru kangkat ngeranjing mekrama Desa.

Pawos 7

Panemayan tedun mekrama Desa :

- a. Nyabran Purnama utawi Tilem mejalaran antuk tatengeran sedereng arep ring Krama, saha tegap naur penaub manut perarem ;
- b. Paling telat asasih mawiwit Pawiwahan.

Pawos 8

Sehanan Krama Desa keni tetegenan (ayah - ayahan) luwire :

- a. Ayah nyumek mapiteges urunan miwah ayahan mamungkul sakeng Krama ngarep ;
- b. Krama Sampingan keni tetegenan manut perarem ;
- c. Sekaa Teruna keni tetegenan manut perarem ;
- d. Soang - soang Krama Desa sane ngerobang keluarga sajeroning mayusa 7 (pitung) wara ngantos 12 (roras) warsa patut ngamolihang kaweruhan saha keranjingan ring Sekolah Dasar antuk Krama sane ngerobang inucap, ngantos puput utawi ngamolihang cihna ; Prade mamurug wenang kedanda manut perarem saha patut ngemarginin pidabdab Sakeng Guru Wisea sajeroning nincapang kaweruhan ;
- e. Prade

- e. Prade rikalaning ngayah wenten sinalih tunggil Krama matilar Sadereng puput karya, wenang Krama inucap keni pamidanda tajak laler kewastanin.

Pawos 9

Krama Desa kedadosang :

- a. Mapoangkid utawi tan tedun, rikala meyadnya manut pangelokika, matepetin, mapewangunan (ritatkala ngeraabin utawi nasarin) miwah keluasan macengker 3 (tigang) rahina, kengin tempo wantah apitan, sejawaning wenten kebebasan Prajuru, lan tios - tiosan manut perarem ;
- b. Nyada ; mapiteges mademang ayah, risampun mayusa 70 (pitung dasa) warsa, Krama Desa sinalih tunggil sampun seda, Yening madruwe sentana (putra) sami sampun mejangkepan utawi Prade wenten Cucu sampun mejangkepan yadiastu okan nyane kanton wenten dereng mawiwaha , sejawaning wenten parindik tios manut perarem ;
- c. Luput petedunan kengin sangkaning dados sadaka pemangku Desa, pemangku Kahyangan Tiga, Dulun Desa , sane cedangga banget tur tan madruwe roban sane patut nedunin, lan sane tiosan manut perarem ;
- d. Nekel / majeg ; nutug ayah antuk berana manut paetangan Desa sangkaning kajudi antuk sang mawang rat utawi jenek ring dura Desa ngerereh pekaryan.

Pawos 10

Wusan dados Krama Desa luwire :

a. Sangkaning :

1. Pinunas ngeraga menawi kesah kedura Desa utawi ngelangkungin segara ;
2. Kenorayang dwaning sampun tan prasida ngesehin solah maprawerti state nguwig kecaping Awig - Awig ;
3. Seda utawi ceput.

- b. Sang wusan mekrama ; Tan polih pah - pahan sankaning padruwen Desa.

Palet 2

Palet 2

Indik Prajuru lan Dulun Desa

Pawos 11

- (1) Desa Adat Dausa kaenter antuk Bendesa Adat lan Dulun Desa.
- (2) Banjar utawi Tempek kaenter antuk Kelian Banjar utawi Tempek.
- (3) Prajuru Adat patut :
 - a. mawiwit sakeng Krama Desa ngarer ;
 - b. Keadegang melarapan antuk paruman soang - soang nyabran 5 (limang) warsa, sejawanning wenten parindik tios kangkat kapilih malih ;
 - c. Patut nincapang kaweruhan ring sulur Agama lan Adat, turmaning tan ceda angga, ceda budi lan sepenunggalannya saha tan kapialang antuk Uger - Uger Panegara ;
 - d. Maduluran Dewa Saksi ring Pura Bale Agung.

Pawos 12

- (1) Bendesa Adat kesanggra antuk :
 - a. Pangliman utawi petajuh pinaka wakilnya ;
 - b. Penyarikan pinaka juru surat ;
 - c. Petengen pinaka pengamong drowen Desa ;
 - d. Kesinoman pinaka juru arah.
- (2) Kesinoman akehnia manut kawigunan saha magilir nyabran ngesasih.
- (3) Sajeroning ngenterang niskala Bendesa Adat mingsinggihang Dulun Desa lan Pemangku Kahyangan Desa.

Pawos 13

- (1) Swadharmaning Bendesa Adat Luwire :
 - a. Ngenterang

- a. Ngenterang pengelaksanaan sedaging Awig - Awig miwah perarem Desa ;
 - b. Nuntun tur ngenterang Krama rauhing Warga Desa ngupadi anut petitie ;
 - c. Nawosin kalih niwakang pamutus arep ring wicara warga Desa ;
 - d. Maka duta katemuang bawos ring sapa sira ugi.
- (2) Prade Prajuru iwang pengelaksana keni pamidanda nikel ring kalwangan soang - soang Krama saha kangkat keraryanang manut perarem.

Pawos 14

- (1) Dudonan Dulun Desa :
- a. Jero Kubayan Kiwa Tengen ;
 - b. Jero Kubahu Kiwa Tengen ;
 - c. Jero Kubahu Singukan Kiwa Tengen ;
 - d. Jero Kubahu Penakeh Kiwa Tengen ;
 - e. Jero Kubahu Pangelan Kiwa Tengen.
- (2) Dulun Desa Keadegang manut alud Daruh.
- (3) Swadharmaning Dulun Desa manut dresta, saha sajeroning ngenterang pemargi niskala kesangra antuk soroh Kahyangan.
- (4) Petias utawi Olih - olihan Prajuru Desa Luwire :
- a. Luput rerampen ;
 - b. Polih tading tengah ;
 - c. Petias sewosan manut perarem.
- (5) Wusan Dados Dulun Desa sangkaning :
- a. Lad ;
 - b. Nyada ;
 - c. Iwang Panglaksana manut perarem.

Pawos 15

Pawos 15

(1) Prajuru Desa kagantosan piantukan :

- a. Bada i
- b. Tutug panemaya i
- c. Wit sakeng pikayun rahayu utawi pinunas ngeraga i
- d. Kanerayang dwaning iwang pamargi utawi nilar sesana.

Palet 3

Rembug Desa Adat

Pawos 16

Remug Desa Kawentenang melarapan antuk :

- (1) Melarapan antuk murda wakya ngawentenang pupulan pengabih pinaka panyeledi Krama ring Prajuru Adat sajeroning mecikang Desa .
- (2) Sajeroning ngemecikang wewangunan utawi usaha Desa kapungkur ngupadi pasukertan Desa , prajuru Adat patut nunas tetimbang Rembug Desa , kangkat ngawentenang paruman sane patut kesarengin olih Prajuru Adat.
- (3) Rembug Desa Adat anggotannya paling akeh 29 diri, antuk mawiwit sakeng :
 - a. Wakil - wakil dadya sane wenten utawi nganutin Dreesta Adat Dausa, soang - soang dadya kawakilin 2 (kalih) diri ;
 - b. Sujana Dharma sane kajudi olih wakil - wakil dadya paling akeh limang diri.
- (4) Rembug Desa Adat Dausa kaenterang antuk Kelihan saha kesanggra antuk petajuh lan juru surat.
- (5) Kelihan , Petajuh lan juru surat kapilih antuk paruman anggota Rembug Desa Adat.
- (6) Baga Rembug Desa kawentenang manut Tri Hita Karana.
- (7) Swadharmaning Rembug Desa Adat luwire :

a. Ngaturang

- a. Ngaturang Dharma tatimbang ring Prajuru sangkaning pinunas prajuru utawi sangkaning pikares Rembug Desa ;
 - b. Ngaryanin rerincikan Desa kapungkur .
- (8) Kala masa Rembug Desa Adat suwenyane 6 masa, wusa punika dados kapilih malih.
- (9) Rembug Desa Adat malarapan rikala :
- a. Tutug panemaya ;
 - b. Sampun mayusa 70 (pitung Dasawarsa) warsa, utawi sangkan - sangkanan tan Prasida kenak.
 - c. Sangkaning pakayun ngaraga.
 - d. Seda ;
 - f. Nenten ngelaksanayang swadharma kadi patut .
- (10) Anggota Remug Desa kawulanang olih dadya soang - soang saha kacumponin olih Remug Desa.

Palet 4

Indik Kulkul

Pawoa 16

- (1) Kulkul ring Desa Lowire :
- a. Kulkul Desa ;
 - b. Kulkul Banjar/Tempekan ;
 - c. Kulkul sekaa - sekaa.
- (2) Tabuh tatepakan Kulkul Desa :
- a. Tigang tuludan lambat, tengeran tedun ngayah utawi parum ;
 - b. Atuludan Bulus , tengeran kapanca bhaya ;
 - c. Tigang kelentungan lambat tengeran patedunan wangde ;

(3) Tengeran

(3) Tengeran kulkul ring soang - soang tempek/bebanjaran :

- a. Kalih tuludan bulus, tetengeran ngerorod (pengantenan);
- b. Kulkul kelayu sekar (putus seda) :
 1. Atulidan lambat, tengeran mitahuang (kulkul seda) ;
 2. Atuludan lambat selanturnya, tengeran nedunang banjar.

Pawos 17

- (1) Kulkul Desa utawi banjar tan wenang katepak yening tan sangkaning pituduh Prajuru, sejawaning tenggeran kepanca bhaya.
- (2) Sang nepak tan sangkaning pituduh patut digelis atur supeksa maka buatan panepake, yan tan mangkana wenang sang mamurug kedanda manut perarem.
- (3) Suaran Kulkul, tenggeran kepanca bhaya patut ketedunin antuk Krama Desa saha makta gegawan anut bhaya.
- (4) Kulkul sekas - sekas semaliha kulkul pondokan - pondokan tan kalugra nyawerin (matehin) sukat utawi tenggeran kulkul Desa prade mamurug wenang kedanda manut perarem.

Palet 5

Indik Paruman

Pawos 13

(1) Paruman/sangkepan ring Desa Adat Dausa wenten :

a. Paruman Desa Kawentenang :

1. Nyabran ngenem sasih rikala Kuningan kadulurin arah - arah ;
2. Napkala (Padgata kala) majalaran arah - arah saha metenggeran Kulkul manut tetujon ;

b. Paruman prajuru lan Dulun Desa, kawentenang manut wiguna;

c. Paruman

- c. Paruman Banjar utawi tempekan manut pasetangan Banjar/Tempekan
- d. Paruman Sekaa - sekaa manut pabuat.
- e. Paruman Rembug Desa Adat sanistannya kawentenang ngewarsa apisan.

(2) Paruman Desa madudonan sekadi ring sor :

- a. Prasida lumaksana risampun ketedunin antuk sang patut ngamiletin saha sampun terem, keriyinin antuk tenggeran kulkul miwah mabusana nyalempot, medestar saha tan kalugra makta gegawan sakaluwire, tan maren ngarcana ring Ida Bhagawan Panyarikan, maka sarana widhiwidana cane;
- b. Maka sarana janggi, pengawit kelaksanayang penyacak sepsep saha riwusannya nyacak, dadosan gung alit manut perarem;
- c. Tan kalugra ngewetuaken suara goro utawi bruta, yan hana mangkana, keni pamidanda pecamil kadi dandaning nguman - uman ring sabha;
- d. Pamutus bebawos beriak sepanggul (ingkup) punika kemanggehang, prade tan prasida suara makehan pinaka pamutus.

(3) Prade pidaging paruman tan kalangkupin mangda Prajuru Desa ngilikang bebawos, saha putusannya mangda keraremin antuk Krama Desa bilih tan prasida kasurukemnin jantos ping tiga Prajuru wenang nunas bawos ring sang ngawe wenang.

(4) Paruman Remug Desa Adat prasida lumaksana yening sampun terem utawi sanistane sampun kamiletin antuk kalih pah tiga langkung Anggota Remug Desa, saha pamutus paruman kdasarini antuk gilik saguluk (ingkup) prade tan prasida suara makehan pinaka pamutus paruman.

Pawos 19

(1) Sajeroning paruman Desa, Bendesa Adat patut nyiarang pemargin ngenterang Desa, pamekas nganinin indik :

- a. Munjuk lungsuring pekraman saha ayah - ayah sulur artha berana druwen Desa;
- b. Rencana Prajuru nganinin usaha Desa kapungkur.

(2) Pamutus

- (2) Pamutus Paruman Desa sinanggeh perarem maka pamitegep
penglaksanaan Awig - Awig.

Pawos 20

- (1) Sangkepan Prajuru lan Dulun Desa kawenang wantah
ngerincikeng pengerencana usaha Desa kapungkur.
- (2) Sangkepan Prajuru lan Dulun Desa lan kawenang ngewedalang
tetegenan ring krama sadereng kalangkupin antuk krama Desa.
- (3) Pamutus sangkepan Prajuru lan Dulun Desa ngewetuang pasuara,
maka pidaging pituduh sang ngawewenang utawi ngonekang
perarem krama Desa.

Palet 6

Indik Druwen Desa

Pawos 21

Padruwen Desa Adat Dausa, sekadi ring sor :

- a. Wewangunan suci mekadi parhyangan/penyiwian - penyiwian Desa
Adat jangkep saha sarana upacara bebaktianaya ;
- b. Balai Desa ;
- c. Tanan laba Pura (Tanah Tegalan) melinggah 2935,90 M² ;
- d. Setra apelebahan mekadi Setra Pengarep lan Setra Pakingsan ;
- e. Gong Barungan ;
- f. Lembaga Perkreditan Desa (L P D) ;
- g. Ilen-Ilen Sekadi : Baris Presi, Baris Tumbak, Rejang Pendet ;
- i. Tios - tiosan sane pacang manggeh druwer desa.

Pawos 22

Olih - olihan Desa Adat Dausa luwire :

- a. Olih - olihan saking pelaba Pura ;

b. Urunan

- b. Urunan Krama Desa Adat ;
- c. Paica saking Guru Wisesa ;
- d. Paica - paica utawi utessa tiosan sane patut.

Pawos 23

- (1) Prajuru Desa wenang ngetangang pamupon laba pura lan sepengunggalan druwe Desa.
- (2) Pikolih ,lan pamuponnya keanggen prabeya piodalan saha wewangunan ring pura miwah sane liyanan.
- (3) Nyabran pesangkapan Desa. Prajuru pengamong druwe Desa ngawentenang parindik munjuk lungsuring padruwe ring Krama Desa.
- (4) Sakaluwiring druwen Desa patut wenten ilikitannya.
- (5) Indik kawentenang Lembaga Perkreditan Desa (L P D) ngangge pidabdab manut perarem.
- (6) Tan Kalugra ngadol utawi ngesahang padruweyan desa yan tan kasungkemin antuk krama desa.

Palet 7

Sukerta Pamitogep

Kaping 1

Karang lan Tegal

Pawos 24

- (1) Krama Desa pangemong Karang patut ngawatesin karang inucap antuk paggehan utawi tembok mangda pakantenannya asri.
- (2) Wates sisi kaler miwah kangin patut kekaryanin antuk sang ngamong karang ayahan inucap sane mewasta magaleng keluwan, sejawaning tanah pecatu, tegal utawi tanah Padruweyan ngeraga sane kapiara watese sisi kelod miwah kauh, reh punika mewasta magaleng keteben.
- (3) Prade kearsayang pagehan/turus inucap ngelikadin, yan pada arsa penyandinge nganggen pinget kewanen kesaksi antuk Prajuru Desa utawi praciha pal saking sang mawang rat.
- (4) Prade wenten karang kebebeng mangda kautsahayang wenten pemarginnya.

Pawos 25

Pawos 25

- (1) Sinalih tunggil Krama Desa tan kalugra :
 - a. ngalah - alah margi, tegal, karang lan sepenunggalannya;
 - b. ngalah - alah tanah, tegak kayangan, setra, lan sekancan tegak sinanggeh suci .
- (2) Prade wenten sekadi ring ajeng, sang ngalah - alah patut ngewaliang tanah inucap saha keni pamidanda sepatutnya, kadulurin upakara ring pengalah - alah tanah suci.

Kaping 2

P e p a y o n a n

Pawos 26

- (1) Ngawit nandur pepayonan tanem tuwuh patut adepa agung ngajeroang sakeng bates, prade jantos ngoliwat bates wenang kecepat gantungan.
- (2) Yening wenten tetanduran ngungkulin, semaliha mewastu mayanin kepisaga patut kewara antuk paiguman ping ajeng praside sang neruwenang wit ngerebah utawi notor.
- (3) Prade sampun kewara teler tan wenten usaha sang neruwenang, wit sang rumasa katetahan utawi kagerihan wenang mesadok ring Prajuru, tur risampun keparitatas kalugra ngicalang pepayonan inucap sakewanten patin pepayonan patut ketawur manut panglokika sane nepasin.
- (4) Sang keni pamidanda penyanggaskara sana prabca manut perarem arep ring wewangunan sang kerubuhan, luwire :
 - a. Sang neruwenang sang sinanggeh mayanin prade pungkut ngerubuhin wewangunan krama tios ;
 - b. Sang notor/munggul utawi ngebah taru tur ngerubuhin Krama tios.
- (5) Krama Desa patut ngemanggehang kawerdian tanem tuwuh sane ngawinang desane asri tur lestari.

Kaping 3

Kaping 3

Wewangunan

Pawos 27

(1) Nyabran ngewangun patut :

- a. Meeadok ring Prajuru, ping njeng prade wewangunan nganinla bates ;
- b. Ngangge asta bhumi miwah gegulak asta kosala - kosali sanistane manut ring petitis niskala ;
- c. Tan nyayubin kapitaga.

(2) Prade wewangunan jantos nyayubin bilih - bilih temboke ring telengin wates, risampun kewara tur kesadokang ring Prajuru, wenang kedanda manut perarem saha tembok inucap kegubar utawi sanistane mangda kekaryanang abangan.

Kaping 4

Wewalungan

Pawos 28

- (1) Sahanan warga desa sane mamiara wewalungan (bawi risampun mabelas utawi bateng lan sewosan punika sampun mesaluk tali) , patut sayaga nitenin negul / ngelogor mangda tan ngerusakin karang utawi paabianan krama sewos, bilih - bilih jantos ngerajing ngeletehin Kahyangan.
- (2) Prade wenten wewalungan ngelumbar utawi ngeleb ngerusakin karang / paabianan krama sewos, risampun kewara kengin ketaban tur kedanda ngewaliang wit sane rusak saha naur penebas papiaraan tetabuhan, manut pengelokika Prajuru Desa ;
- (3) Prade jantos ngeletehin tegak suci, minakadi pemerajan (sanggah kemulan) risampun koparitas antuk prajuru , wenang sang nruwenang kedanda mabuhu agung tebasan - tebasan prayascita durmanggala utawi panca sato iwak bebek belang kalung prade jantos ngeletehin Kahyangan Tiga utawi pura pemaksan.
- (4) Krama desa patut nyanggra wewalungan miwah sarwa prani, tan kopatut ngemadenang paksi lan sepenunggilannya.

Kaping 5

K a p i n g 5

B h a y a

Pawos 29

- (1) Pari indik bhaya, luire : Jiwa bhaya, Artha Bhaya, dura cara ring Agama lan sane tiyosan .
- (2) Sang manggihin kehanan jiwa bhaya, patut nepak kulkul bulus mapitulung anut pawos 16 (2) aksara b.
- (3) Prade ring desa kehanan jiwa bhaya, patut desane ngaturang bhuta Yadnya tur sang mayanin katur ring sang ngawewenang.
- (4) Prade wenten jatma memisuh utawi nguman - nguman jatma tios, kekeninin pamidanda bea pecamil tebasan prayascita manut perarem.

Pawos 30

- (1) Sang manggihin kehanan artha bhaya (kemalingan), patut ngulkul mapitulung manut ring pawos 16 (2) aksara b, utawi sang kemalingan atur supekse ring Prajuru desa sane pacang nimbangin utawi nuntun anut Uger-Uger Guru Wisesa saha mawuwuh penyanggaskara prade wenten jatma ngemaling barang sinanggeh suci.
- (2) Pratingkahe mapailon ring dusta kebawos saroro prade wenten jatma manggihin maling tan nyadokang ring Prajuru jantos jatma tios nyaduang patut kedanda kadi dandaning maling, sakweh pengargan wit manut cacakan Desa , tur prade jantos ping tiga melaksana sapunika wenang kasukserahang ring sang ngawewenang.
- (3) Prade wenten jatma ngerereh reramon, minakadi daun kelapa, ron, tanpa sadok ring sang nruwenana . prade kacunduk (ketara) patut kedanda kadi dandaning maling.
- (4) Yening wenten jatma ngerajing kepakubon wiadin kepekarangan jatma tiyos rikala suwung, mewastu sang madruwe karang keicalan, wenang jatma inucap ketuwekang antuk madewa saksi ring Pura Bale Agung.
- (5) Mangda tan ketuwekang manut ring ajeng asing - asing ngeranjing kubon jatma tios patut :
 - a. Matenggeran suara (mekaukan) ;
 - b. Nyantos

- b. Nyantos sang nruwenang Karang rawuh utawi mesadok ring pangapit pinih tampek, maka buatan pengeranjinge ;
- c. Pemedal karangnya kedagingin sawen maka cihna pengarah rikala suwung.

Kaping 6

Peyanggran Desa

Pawos 31

Krama Desa rikala ngawentenang karya suka duka, patut kesanggra antuk Krama Desa.

- a. Prade ngewangun Pitra Yadnya utawi Manusa Yadnya wenang nunas Penyanggran Desa ;
- b. Pangerombo utawi Karya gotong royong krama wantah ping tiga selangkungnya patut katurang pengingu ;
- c. Pengingu rikala Pitre Yadnya anut abot dangan Yadnya, prade sakeng semeng ngantos wengi patut katuran pengingu ping kalih.

Kaping 7

Indik Pariwert i

Pawos 32

- (1) Sahanan warga Desa Adat tan kapatutang mejemuhane : ngutang mis, mebacin ring Margi Agung tur ring genah sane nenton Kapatutang sane prasida ngicalang pasukertan Desa Pakraman.
- (2) Krama Desa patut ngewardiang ring sajeroning setra, nandur sarwa sari mangda setra landap pekantenannyane sari.
- (3) Telajakan karang sane majeng Margi Agung, Merajan . Karang Sikut Satak patut kaplara nyabran rahina tur katandurin sarwa sari.
- (4) Sahanan Warga Desa Adat patut mebersih - bersih nyabran rahina ring karang paumahan sami sakeng telajakan ring ajeng rawuhing got/kekalen lan Margi Agung.
- (5) Sahanan Warga Desa Adat kapatutang madruwa genah mebacin utawi WC.

(6) Sang

- (6) Sang capa sira ugi sane mamurug pidabdab inucap patut keni pamidanda manut uger - uger sakeng Guru Wisesa.

SARGA IV

SUKERTA TALIA AGAMA

Palet 1

c. 7

Indik Dowa Yednya

Pawos 33

- (1) Pelinggih penyiwian sewidangan Desa Adat Dausa, luwire :
- a. Kahyangan Tiga : Pura Dalem, Pura Puseh, miwah Pura Desa/Bale Agung ;
 - b. Pura Beji : Bale Agung ;
 - c. Pura Bukit Indrakila :
- (2) Rahina piodalan soang - soang Kahyangan kadi ring sor :
- a. Pura Desa utawi Bale Agung rikala Purnamaning kelima ;
 - b. Pura Puseh rikala Purnamaning Kasa ;
 - c. Pura Dalem rikala Purnamaning Kepitu ;
 - d. Pura Beji rikala Purnamaning Kasa ;
 - e. Pura Indrakila rikala Purnamaning Kapat.
- (3) Sadurung rahina Piodalan soang - soang Kahyangan inucap kariyinin antuk ngemargiang Piodalan Nyumun Sari rikala Purnamaning Kasa.
- (4) Pengaci ring pura - pura inucap manut kecap Sastra Agama saha kelaksanayang, nista madya, utama.
- (5) Soang - soang Pura inucap ring ajeng kaempon antuk Krama Desa Adat Dausa.

Pawos 34

- (1) Ring Parhyangan Desa Adat Dausa kaadegang Pemangku, setios punika taler keadegang pemangku Bunga manut dresta.
- (2) Ngadegang Pemangku inucap angka (1) manut dudonan :
 - a. Nyanjan utawi masemurane, soang - soang mapiteges mapinunas ring ajeng Penataran wiadin ka Pura Desa menawi ring balian sonteng, lan sepengunggilannya ;
 - b. Turunan utawi ngewaris ;
 - c. Kecatri (pilihan Krama Desa) ;
 - d. Mawit sakeng Krama Desa Adat Dausa .
- (3) Tan kawenang keadeggang dados pemangku lan Dulun Desa luwire :
 - a. Cedangga, luire : peceng , perot, sangih lan sepenunggilannya ;
 - b. Sang sapa sira ugi sane tan kepatutang anut perarem ;
 - c. Sakit ila, ayun, buduh wiadin edan ;
 - d. Sane mederke kesucian urip tan becik.
- (4) Prabia kepemangkuan lan Dulun Desa :
 - a. Adiksa Wiadin (ngawintenin) kemenggala saha kelaksanayang antuk sang ngadegang, mekadi Krama Desa ;
 - b. Mapitra Yadnya riwekas prade kulawarga Pemangku miwah Dulun Desa tan meresidayang , patut kasungkemin antuk Krama Desa utawi pengemong prade kelaksanayang olih kulawarga pemangku utawi Dulun Desa peyanggran Krama sanistanne Brahma Prayascita.
- (5) Pemangku lan Dulun Desa patut ngemanggehang sesananing pemangku lan Dulun Desa luire tan wenang ajejuden miwah sane tiosan.

Swadarmen Pemangku lan Dulun Desa luwire :

- a. Ngenterang upacara piodalan ring Kahyangan miwah ring soang-soang pakubon Krama ;
- b. Tan

- b. Tan Wenang salah sulub yan mamurung wenang mangku lan Dulun Desa inucap nyepuhin raga ;
- c. Prade sinalih tunggil Pemangku kapiambang kengin nyelang Pemangku Kahyangan Tiga tiosan utawi nuur sang sulinggih ;
- d. Semaliha yen sampun pemangku lan Dulun Desa ngayah tigang rahina ring pura kancit wenten kulawargania padem, mangku inucap tan keneng cuntaka, sakewanten mangku lan Dulun Desa tan budal selami piodalan.

Pawos 36

Petias utawi olih - olihan pemangku lan Dulun Desa , luire :

- a. Sigitan Urip ;
- b. Luput Ayah ;
- c. Luput Rerampen ;
- d. Busana arangsukan nyabran ngemasa ;
- e. Tios - tiosan manut perarem.

Pawos 37

(1) Pemangku kegentosin riantuan :

- a. Seda ;
- b. Pinunas nzeraga, menawi kageringan lan sepengunggalnya ;
- c. Kawusanang antuk krama sangkaning melaksana sane tan patut (Asta Dusta).

(2) Prade mangku lan Dulun Desa kawusanang sangkaning melaksana asta dusta, keni pamidanda manut perarem saha ngewaliang prabiya pewintenan pecak.

Pawos 38

Kasukertan Kahyangan kadi ring sor :

- a. Tan Kalugra ngeranjing kepura luire :

1. Sang

1. Sang katiben cuntaka, mekadi sebel sakeng ngeraga .
 - a. Sebel kandel ngerajasuwala. selami dereng mebersih ;
 - b. Sebel madruwe putra, selami dereng kepus odel tur maupakara , sane lanang, sane istri ngantos 42 rahina / akambuhan ;
 - c. Sebel pengantenan, selami dereng mabiyakala, miwah cuntaka sangkaning kepadaman manut senger ;
 - d. Sebel riantukan madruwe keluarga kepadaman/kelayusekaran selami dereng ngelaksanayang Upakara Mesapuh utawi Nyeeb Brahma.
2. Makta sehanan barang sinanggeh ngeletehin ;
3. Sato Agung sejawaning rikala mapepada ;
4. Mabusana tan manut kadi tata caraning ngeranjing ke Pura ;
5. Sedereng poih wak - wakan (pituduh) Prajuru utawi Dulun Desa.
- b. Pratingkahe tan wenang ring Pura :
 1. Masumpah (ocr), sejawaning pituduh Prajuru/Dulun Desa ;
 2. Makobetan, masesenengan, makolem dados asiki lanang wadon, mebacin/mewarih. nyangsang busana, menahin pusungan (santukan punika sekadi rikala mejejahitan patut ngelung busung mecingor lidinya) ;
 3. Munggah tedun palinggih sejawaning pituduh Prajuru utawi Dulun Desa.
- c. Sang mamurug kecaping ajeng, keni pamidanda pemerascita sepatutnya.

Pawos 39

- (1) Yen wenten jatma kerawuhan ring Pura, kengin kapintonin prade rumasa keambangsayan, yan tan wiakti, jatma inucap kesisipan kedanda prayascita.
- (2) Prade Kahyangan kehanan durmanggala, minakadi kepanca bhaya, pemangku utawi patut digelis nyadokang ring prajuru mangda marumang krama desa tur ngawentenang pemerascita sepatutnya.

Palet 2

Palet 2

Indik Resi Yadnya

Pawos 40

- (1) Sang pacang madeg Pandita utawi Pinandita minakadi jalang saluire jagi ngenterang yadnya patut mesadok ring Prajuru Desa kalih Parisada Hindu Dharma Indonesia.
- (2) Prajuru Desa patut ngawas nitenin tur naweng ngalangi prade wenten kacihnian sasar kekecap miwah drestane, tur sareng nyaksinin upakara saha nyiarang ring paruman desa tegap rawuhing wates kawenangan ngenterang yadnya.
- (3) Krama Desa patut ngaturang ayah sepemadeg miwah ring pengelepas sang sulinggih riwekas katuntun antuk Prajuru.

Pawos 41

- (1) Sang sulinggih patut ngeriyinang ngayunin ring wawidangan jagat Desa Adat Dausa sesampune puput wawu kangkat muputang Yadnya kejebar tiros jagat utawi kedura desa.
- (2) Krama Desa sami patut sareng ngawas nitenin ketuntun antuk Prajuru, mangda sehanan Yadnya sane kewentenang kaicen pemuput plih Pedanda utawi Pinandita manut kewenanganya soang - soang.

Palet 3

Indik Pitra Yadnya

Pawos 42

Pemargin Pitra Yadnya madudonan manut cekadi ring sor :

a. Pengupakaran sang kelayu sekar :

1. Antuk mendem maka cihna pakingsan ring Ibu Pertiwi selami nuptupang prabeya :
2. Atiwa - tiwa (upakara pengabenan/pelebon).

b. Upakara upacara Pitra Yadnya riwusan keabenang mewastu munggah daun bingin (ngeroras) wawu kelaksanayang palinggih Dewa Hyang Bhatari.

Pawos 43

Swadharmaning lan tetegenan prade wenten sinalih tunggil Krama Kelayu sekaran :

(1) Sang kaduhkitan patut :

1. Nyadokang ring Prajuru Adat tur nunas tatimbangan ring kawentenannya .
2. Ngaturin Desa ngerombo mekarya eteh - eteh sarwa kedulurin panyembrama canang sesida antuk utawi maweweh sajeng ring pengerombo nganter ke setra.
3. Prajuru Adat maritatas pemargin sang kaduhkitan, napike pacang kependem, makingsan rivin utawi lantur keabenang ;

5. Penyanggran Desa selanturnya :

- a. Soang - soang Keluarga nedunin patas 1 Kg. Beras lan jinah manut perarem ;
- b. Ngerombo ngaryanin eteh - eteh sawa, saha kesarengin antuk Krama sane rawuh maaksian ;
- c. Sami Krama Desa nganter kesetra jantos pemendeman puput.

(2) Tan kengin ngelelet sawa langkung ring 7 (pitung) rahina, tur patut polih pagebagan yening sampun mesiram anut paetangan Prajuru Adat ;

(3) Tan kalugra mendem sawa rikala :

1. Wuku was penganten ;
2. Semut sedulur ;
3. Kala gotongan ;
4. Larung pegelangan : Wraspati penanggal/pangelong ping 6 (enem) ;
5. Gagak anungsung pati, penanggal ping 9 (siya) ;
6. Ingkel wong ;
7. Reraianan jagat :
 - a. Purnama ;
 - b. Tilem ;
 - c. Purwani

- c. Purwani ;
 - d. Rajeng Kliwon ;
 - e. Pasah ;
 - f. Buda Kliwon ;
 - g. Tumpek ;
 - h. Buda Wage (buda Cemeng) ;
 - i. Anggar Kasih (Anggara Kliwon) ;
 - j. Saniscara Umanis Watugunung ;
 - k. Redite Umanis Ukir (Odalan Bhatara Guru) ;
 - l. Wuku Walanggati, penanggal ping 11 (solas) ;
8. Wuku langkir ngantos Buda Kliwon paang, (kuncal balung) ;
9. Sasih ke 10 (dasa) tanggal ping 13 (telulas) ;
10. Dewasa kekeran manut desa adat.

- (4) Prade wenten kelayu sekar, rikala piodalan, kengin kasurupang tan maupakara tanpa sadok tur memargi wengi ;
- (5) Tan kalugra nginepang bangbang ;
- (6) Prade sane kelayu sekaran ngadut manik, patut manik inucap kawijilang riyan wawu kaupakara ;
- (7) Tata cara ngange setra manut paetangan prajuru miwah dresta.

Pawos 44

- (1) Sane kasinanggeh kacuntaka sekadi ring sor :

- a. Cuntaka antuk kelayu sekar ;
- b. Cuntaka antuk ngeraja swala ;
- c. Cuntaka antuk ngembasang putra ;
- d. Cuntaka antuk keruron ;
- e. Cuntaka antuk sakit ila utawi buduh ;

f. Cuntaka

- f. Cuntaka antuk pawiwahan ;
- g. Cuntaka antuk gamia gamana .
- h. Cuntaka antuk salah timpal ;
- i. Cuntaka yening wenten anak istri mobot nenten keupakara pabiukawonan tur pawidiwidana ;
- j. Cuntaka antuk memitra ngalang ;
- k. Cuntaka antuk yening wenten anak istri ngembasang putra sadurung maupakara pabiukawonan tur pawidiwidana.

(2) Sengker Cuntaka manut kawentenannya :

- a. Cuntaka kelayu sekar, cuntakannia 12 (roras) rahina manut sekadi loka dresta miwah sastra dresta Desa Adat Dausa utawi nyantos Nyeeb Brahma ;
- b. Cuntaka ngeraja swala, 3 (tigang) rahina ngawit saking ngeraja swala utawi selami ngeraja swala ;
- c. Cuntaka ngembasang putra, kepus Odel sane lanang ngawit saking putrane embas, utawi ngantos sampun kaupakarayang mekekambuhan tur meperascita manut sekadi agama, sane istri ;
- d. Cuntaka Karuron, cuntakania abulun pitung rahina (42 Rahina) tur sampun matirta pemerascita, lanang 3 (tigang) rahina ;
- e. Cuntaka pawiwahan , cuntakania ngantos sesampune matirta pabiukawonan ;
- f. Cuntaka gamia gamana, cuntakania ngantos sesampune kepalasang utawi mesapihan tur sampun kawentenang pemerascita raga tur kawentenang pemerascita desa adat/Kahyangan ;
- g. Cuntaka salah timpal, kepuputang sekadi manut ring Agama Hindu tur dresta ring Desa Adat Dausa ;
- h. Cuntaka anak istri mobot nenten kewentenang upakara pabiukawonan, cuntakania ngantos kewentenang upakara pabiukawonan ;
- i. Cuntaka mamitra ngalang, cuntakania ngantos kawentenang upakara pabiukawonan ;

j. Ngembas

- j. Ngembas putra nanten kawentenang upakara pabluksanan miwah upakara pawidiwidana, cuntakania ngantos winten sate mmeras sang putra, tur sampun kawentenang upakara sate? manut ring ajaran agama Hindu.

(3) Cuntaka Kelayu sekar/kepadaman :

a. Kapendem cuntakania :

1. Pengapit, pemapas/penumbak pekarangan ngantos 3 (tigang) rahina sate sampun msepah ;
2. Kulawarga ngarep 12 (rolas) rahina sate sampun msepah.

b. Keaben cuntakania :

Sang nyambut karya Pitra yadnya cuntakania ngawit eking ngendagin rauh riwas yadnyanna (mepagal).

(4) Sane ketiben cuntaka laire :

a. Kelayu sekaran sane kacuntaka :

1. Sang sane kelayu sekaran ;
2. Kulawarganna ;
3. Banjar utawi tempekan.

b. Ngeraja swala sane kacuntaka sang sane ngeraja swala ,

c. Ngembas putra, sane kacuntaka kulawarganna sane ngembasang putra lanang wiadin istri ,

d. Pawiwahan, sane kacuntaka sang sane kaupakara pawiwahan lanang wiadin istri ;

e. Keruron, sane kacuntaka kulawarganna lanang wiadin istri ;

f. Gamia gamana, sane kacuntaka sane sane ngelaksanayang gamia gamana lan desa adat nyane ;

g. Anak istri mobot sane tan kawentenang upakara pabluksanan, sane kacuntaka sane mraga istri (sane sobot) ;

h. Memitra ngalang, kacuntaka sane ngelaksanayang memitra ngalang ;

i. ngembas putra tan kawentenang upakara pabluksanan miwah upakara pawidiwidana sane kacuntaka :

1. Sang

1. Sang sane ngembas putra ;
2. Putra sane embas ;

Pawos 4b

- (1) Atiwa - tiwa (pengabenan) kelaksanayang antuk Biya Tanem.
- (2) Panemayan Pengabena wenten kalih Pawos
 - a. Ngaben Dadakan/bahbangun, kedadosang sajeroning meengker awuku utawi 7 (pitung) rahina ;
 - b. Ngaben ngemasa utawi nuasa .

Pawos 4c

- (1) Pepatusan pengabenan dadakan utawi nuasa/ngemasa, beras 1 Kg. lan jinah manut perarem.
- (2) Sang madruwe Kelayu sekaran polih pangerombo sakeng Krama ngawit tigang rahina sadereng karya, saha Indik patedunar krama lanang wiadin istri manut kawentenan karya tur manut sekadi pinunas sang meyadnya.

Pawos 47

Tios - tiosan pemargin Atiwa - atiwa kadi inucaping ajeng Indik pemargi - pemargi anut pidabuat perarem.

Palet 4

Indik Manusa Yadinya

Pawos 4B

- (1) Manusa Yadinya inggih punika upacara - upacara dharmaning manusa, ngawit sakeng patemoning kama bang sajeroning garba, ngantos kelayu sekar riweksas.
- (2) Upacara

(2) Upacara kadi ring ajeng madudonan kadi ring sor :

- a. Magedong - gedongan duk pengerampinian ibiang ;
- b. Duk sang kama reka medal ;
- c. Roras rahina ;
- d. Tutug kambuhan 42 (petang dasa kalih) rahipa ;
- e. Nigang sasihin ;
- f. Pawetuan /oton/odalan (enem sasih) ;
- g. Tutug Kelih (ngeraja wedana, ngembakin utawi ngeraja singa lenange) ;
- h. Metatah (mepandes) ;
- i. Mawiwaha ;
- j. Mewinten.

(3) Upacara - upacara inucap nista, madia , utama manut sastra Agama saha catur dresta maka buatan desa dresta ngawinang sima cara desa.

Palet 5

Indik Butha Yadnya

Pawos 49

(1) Butha Yadnya inggih punika upacara biakala ring pertiwi lan kayangan , sarwa perani saha upacara - upacara ring bebutan.

(2) Upacara biakala ring sarwa perani, luire :

- a. Ring sarwa tumuwuh ritatkala tumpek lengatag (Saniscara Kliwon Wariga) ;
- b. Ring sarwa ingon - ingon rikala Tumpek Andang (Saniscara Kliwon Uye) ;
- c. Upacara pakala - kala manusa anta widana , kebawos pabyakala.

(3) Upacara

- (3) Upacara pabyakala ring pertiwi, kahyangan lan bebhutan kewastanin mecaru.
- (4) Upacara inucap ring ajeng, nista, madia, utama, manut wiguna kadi ring sor :
 - a. Eka Sata ;
 - b. Panca Sata ;
 - c. Panca Sanak ;
 - d. Resi Gana ;
 - e. Taur Agung ;
 - f. Panca Kelud.
- (5) Sejawaning kadi ring ajeng kawontenang usakara :
 - a. Majot - jotan utawi Yadnya Sesa nyabran wusan ngorateng ;
 - b. Mesapuh - sapuh rikala pacang wali ring Pura ;

Pawos 50

- (1) Ngangken ngewarsa rikalaning Tilem Kesanga kawontenang tawur kesanga , ketah kebawos ngerupuk, maka cihna pacang mapag rainan penyepian benjangne.
- (2) Upacara Penyepian sane pacang kemargiang antuk krama desa :
 - a. Amati geni , tan kengin maapi - api ;
 - b. Amati karya tan kengin nyambut karya ;
 - c. Amati lelanguan , tan kengin maoneng - onengan, mauara goro lan sepenunggalannya ;
 - d. Amati lelungan , tan kengin malunga - lungaan .
- (3) Paberatan inucap kamargiang sakeng semeng ngantos benjangne semeng raris kasuarayang kulkul pinaka cihna pengembak .
- (4) Sang mamurug kecaping ajeng keni pamidanda manut perarem desa adat kemargiang antuk petelik (pecalang desa).
- (5) Riwus rahina Nyepi benjangne maka cihna pengawit Icaka Warsa patut soang - soang warga Desa sami ngaksama.

SARGA V

SARGA V

SUKERTA TATA PAWIWAHAN

Palet 1

Indik Pawiwahan

Pawos 51

- (1) Pawiwahan inggih punika petemoning parusa predana melarapan panunggahan kayun suksa cita maduluran upasaksi sekala niskala.
- (2) Penglaksanaan pawiwahan luire :
 - a. Pepadikan kemanggala untuk pameran ;
 - b. Ngerorod : merangkat riyin wana kakrunayang ;
 - c. Nyeburin utawi sentana nyeburin pinampun nganutin upacara pameran.
- (3) Pidabaab sang pacang mawiwaha patut :
 - a. Sampun manggeh deha teruna (prasida nganutin Undang - Undang Perkawinan ;
 - b. Sangkaning pada rena (tan kepaksa) ;
 - c. Manut kecaping Agama (tan Gamla gamana) ;
 - d. Kawicudayang prade pengambil tice Agama miwah keputi wangi.
- (4) Pemargin Pawiwahan mangda taler nganutin Undang - Undang Perkawinan saking sang ngawewenang.

Pawos 52

- (1) Pawiwahan sane kepatutang ring desa cekadi ring sor :
 - a. Sampun kemargiang pabyakala utawi pesakapan, kesaksiang sekala niskala untuk Prajuru lan Dulun Desa ,
 - b. Wenten pesaksi Prajuru sane mapekelingang utawi ngilikitayang pawiwahan ;
 - c. Patut maturan klaci ring Pura Dalma ;
 - d. kesuarayang.....

- d. kesuarayang kulkul maka cihna sampun sah meperabian ;
- e. Pawiwahan inucap ring ajeng sampun kecatatang ring Kantor Camat utawi Kantor Catatan Sipil Kabupaten Daerah Tingkat II Bangli.

(2) Perabian sane tan manut kadi ring ajeng sinanggeh tan patut

Pawos 53

Tata caraning perabian patut sekadi ring sor :

- a. Sapa sira ugi pacang ngewarayang pakuluwarga patut meadok ring Prajuru , selanturnya prajuru maritatas anut tan manut kekecap perabiane;
- b. Pemargin pepadikan anut dudonan :
 1. Pakrunan jantos ping tiga , saha soang-soang melarapan antuk :
 - a. Kapertama antuk canang;
 - b. Kaping kalih antuk canang ring sajeng ;
 - c. Kaping tiga antuk tipat bantal, kabawos pamuput pepadikan.
 2. Risampun pragat raris sang istri keajak budal ring pakubon sang lanang, saha kalanturang antuk pabyakala.
 3. Mangda pragat tumus sekala niskala, raris kuluwarga purusa makta pejati ring merajan wadone.
- c. Prade ngerorod/merangkat patut :
 1. Reraman lanange ngewentenang pamilaku antuk duta sekirangnya 2 (kalih) diri;
 2. Pagenahan antene tan kengin ring pakubon sang lanang sadereng mabyakala.
- d. Sajeroning pakrunan utawi pengelakuan patut :
 1. Kamenggala antuk geng pengampura arep ring reraman wadone ;
 2. Kaigumang bawos idih pakidih utawi pelegayan arep ring pasuwakan sang ngidih saha dewasa pakrah kambean riwekas;

3. Kecihnayang

3. Keothnayang Indik kapurusa utawi prade bentana rajeg kajejerang kepatut ngidih apak lanang sana kabawos pawiwahan nyeburin, tur risampun selur pamerasan katogepin kamanggahang bentana nyeburin;
4. Prade tan terims pelakuan pejati pakrunan kamargiang jantes ping tiga, yening antene saapun nganutin pidabdab sang pacang mawiwaha upakara petul kelaksanayang saha kamanggala antuk Prajuru Adat.
6. Pekrakambeon mapiteges upacara tinas apadang (puput) mapikuren, dwaning manut pekadi ring sor :
 1. Sajeroning kabawos ambe, kelaksanayang ring sekala nickala antuk sareng jejauman miwah pawidi widana :
 - a. Jejauman pinaka ngambe/ngadungan kayun song-song pakulawarga wadone;
 - b. Widi widana pinaka pejati nickala munas wadone ring pemerajan kemulanya .
 2. Sajeroning bawos kerab pelaksana ring sekala :
 - a. Antuk pesakel Krama Desa dwaning kekerabang antuk tengeran kulkul;
 - b. Pamakas penyakel Prajuru/Dulu-dulu saha ngilikitayang .

Palet 2

Indik Nyapian

Pawos 54

- (1) Pawiwahan praside kawusang melarapan antuk palas perabian utawi kepadaman.
- (2) Wusan mapikuren rintukan silih tenggil beda mapiteges balu, mekadi balu lanang utawi istri.
- (3) Palas perabian wenten kalih pawos , inggih punika sangkaning pada lila miwah mawiwit wicara .
- (4) Sang ayat palas merabian patut eter supeksa pallikitan riyin ring sang rumawas (Pengadilan Negeri) wastu tinas apadang pmutuse kabawos nyapian wowu Prajuru nyiarang kawentenannya ring Desa saha keni pamelin kulkul manut perarem.

Pawos 55

Pawos 55

Tata cara palas perabian sangkaning pada arsa/lila sekadi ring
sor :

- a. Nawur prabeya pesaksi sinalih tunggil sami matenga ;
- b. Pagunakayan polih pahan pada ;
- c. Pabekel, tatadan soang-soang kekuasa niri-niri miwah warisan
kekuasa antuk purusa ;
- d. Ngeweruhin miwah ngupajiwa pratisentana manut swadarmaning
guru rupaka ;
- e. Ngaturang pejati papegat makurenan kosaksinin antuk Prajuru
lan Dulun Desa ring Pura Bale Agung ;
- f. Nawur pamidanda panumbas suaran kulkul manut perarem ;
- g. Ngelung jinah manut lokika Prajuru.

Pawos 56

Prade riwekas sang palas kecihnan adung malih, patut :

- a. Ngelaksanayang pawiwahan malih ,
- b. Kedanda nikel saking palase, yadiaetun wit palase pecak
sangkaning pada lila (arsa).

Pawos 57

(1) Sang balu kebinayang dados :

- a. Balu luh wit sentana (sentana rajeg) miwah balu luh boya
sentana ;
- b. Balu muani kepurusa (wit sentana) miwah balu muani
nyeburin (boya sentana).

(2) Swadharmaning balu inucap patut :

- a. Ngemanggehang patibrata lan kengin ngemargiang
paradara/drati krama ;
- b. Ngussayang waris pagunakayan, lan dados ngadol, ngadeang,
makidihang lan siosan punika, sejawaning kabebasan saking
planak utawi kulawarga pinih tarpek saking kurenannya
prade planak kanten alit - alit ;

c. Kengin

- c. Kengin ngidih sentana prade wenten pidahdab sedurung sinilih, tunggu padem, aha keuteahayang kabebasan antuk kulawarga singgih kapurusa :
- d. Kawenangang mawiwaha malih, yening sampun mewaneng tigang saeh, prade kanton mebat nyantos putrane embas.

Pawos 58

Batu kauean tan pagah pehadi ring sor :

- a. Pratikrama utawi paradara :
- b. Matilar saking pakuben tan peradok jantoh 6 (enem) saeh :
- c. Lempas ring swadharma sowas - sowas , tan praside ngesehin sejah maprawerti arep ring pituduh kulawarga purusa.

Palel 3

Indik Sentana

Pawos 59

- (1) Sentana wenten kalih pawos, sane aturap pratisentana miwah sentana papekasan.
- (2) Pratisentana inggih punika sentana sane metu saking pawiwahane kopatut.
- (3) Prade pawiwahane tan kopatut ngewetuang sentana, mangda tan kantua kawastanin berinjat utawi satria yoga kemanggala antuk penyanggaskara.
- (4) Prade pawiwahane tan ngewetuang sentana kengin, ngidih sentana upasaksi antuk sekala nikah sane kawastanin sentana papekasan .
- (5) Sentana rajeg inggih punika , pratisentana wadon (predana) sane kemanggahang lanang (purusa) tur risampun ngelaksanayang pawiwahan nyebirin.
- (6) Sang sane dados kearsayang dados sentana rajeg inucap wiyit (5) , inggih punika :
 - a. Pratisentana wadon tunggal :
 - b. Sampun kemanggahang dados pratisentana lanang (purusa) :

c. Kapawiwahan

- c. Kapawitahan kesekurhin : kaulamayang antuk Jatma sane meagama Hindu utawi Jatma sane meagama liyosan sane sampun ngelakessayang pamarisuda Page 1
- d. Sane ngemanggehang sentana raleg patut mapasadok ring Prajuru Desa, saha Prajuru Desa patut nyiarang ring Desa Adat .

Pawos 80

- (1) Ngangkat sentana manut dudunan patut makasihna artha berane pamerasan sane kesiakelangan sekala nihakala.
- (2) Sapa eira ugi krama pacang ngidih sentana patut meadok ring Prajuru Adat sapiletane apasith pedereng pamerasan.
- (3) Bendesa Adat kangkat kawakilin antuk Prajuru Adat liosan nyiarang ring wewidangan desa, sang sapa eira ugi rumasa tan lila mangda nyadokang masengker kalih wuku sabanen pamerasan ring Bendesa Adat.
- (4) Prajuru Desa digelita mawasin saha ngicenin penutus nepak ring catur dresta miwah perasan.
- (5) Prade eulur peperasan ten manut ring kecaping ajeng, Prajuru Desa wenang ngandeg sang pacang mekarya, saha ngicenin penuntun, mangda kepujulang riyin bebawos / sular utawi wicaranya.

Pawos 81

- (1) Peperasan sane ring desa risampun maka oihna :
 - a. Widi widana pamerasan ;
 - b. Kesakeinin antuk Prajuru lan Dalun Desa sane makelingang utawi ngilikitayang, tur ;
 - c. Kesiarang ring wewidangan desane.
- (2) Sane kepatut peras angge sentana kadi ring sor :
 - a. Jatma meagama Hindu ;
 - b. Pepernahan nedunang saking sang meras ;
 - c. Kulawarga saking purusa, prade ten wenten kengin saking wadon yening taler tan wenten wawu kengin sekama - kama (saking kayun) ;
 - d. Kautamayang

- d. Kautamayang saking waris pancer kapurusa ;
 - e. Sinalih tunggil mawiwit saking kulawarga tunggal sanggah utawi merajan, paibon lan dadia utawi ngambilin anak tios sakewanten sang magama Hindu.
- (3) Kengin ngangkat sentana lintang ring adiri, lanang wiadin wadon.

Palet 4

Indik Warisan

Pawos 62

- (1) Warisan inggih punika tetamian artha berana saha ayah - ayah ngupadi sukertan sekala niskala saking keluhurannya arep ring turunannya.
- (2) Sane sinanggeh warisan luire :
- a. duwe tengah, mekadi carik lan tegal ayahan desa, kahyangan, pusaka, lan sepenunggalannya ;
 - b. Pemerajan utawi sanggah ;
 - c. Pegunakaya, tatacan, jiwa dana, hutang piutang.
- (3) Wawu kengin kebawos warisan prade wenten :
- a. Sang mapiturun (pewaris) ;
 - b. Keturunan (ahli waris) ;
 - c. Artha berana miwah tetegenan (ayah - ayah) makacihna warisan.

Pawos 63

- (1) Ahli waris , luire :
- a. Pretisentana purusa ;
 - b. Pretisentana predana (sentana rajeg) ;
 - c. Sentana peperasan lanang utawi wadon .
- (2) Prade tan wenten sekadi ring ajeng, kang sinanggeh ahli waris:

a. Turunan

- a. Turunan purusa pernah ngunggahang, rerama lanang, pekak selantar ipun rerama misan mindon ;
- b. Turunan purusa pernah kesamping mekadi keponakan miwah mindon.

Pawos 64

Swadarmaning ahli waris patut :

- a. Nerima saha nguasayang tetemian pahan saking keluhurannia, mekadi ngerempon sangah, pura saha pengupakarannia miwah nyeledihin ayah - ayahan pewaris ;
- b. Ngabenang pewaris saha ngelanturang upacara - upacara pitra ;
- c. Nawurin hutang - hutang pewaris sane manut penglokika.

Pawos 65

Pengopahan warisan nganutin sekadi ring sor :

- a. Ricampun kelaksanayang pitra yadnya lan. hutang - hutang pewaris buntas ketawur ;
- b. Para ahli waris polih pahan pada sangkaning pegunakaya, sejabauing karang, tegal, carik ayahan Desa prade wenten keamong antuk ahli waris kang sinanggah krama ngarep.
- c. Sinalih tunggil ahli waris kengin tan polih pahan prade :
 1. Nilar kawitan lan sesananing Agama ;
 2. Alpaka Guru Rupaka ;
 3. Sentana rajeg kesah mawiwaha utawi pratisentana nyeburin, soang - soang keawos ninggal kedaton.
- d. Boya ahli waris kengin muponin hasil anut dudonan, luire :
 1. Sentana luh, selami dereng kecah mawiwaha utawi alpaka guru miwah prade pianak tan kangkenin antuk wong tua rare inucap, kengin ngewaris wantah pikolih (paguna kaya) sentana luh inucap kemawon ;
 2. Balu luh wisdin mueni nyeburin (soang - soang boyo sentana) ,
 3. Mulih dehe utawi teruna, riantukan ring pawiwahane, tatadan / bekel, maka cihna pawewah tetep ring pianak sane kesah mawiwaha.

Pawos 66

Pawos 66

- (1) Prade sejeroning pakulawarga wenten ahli waris langkungan ring adiri patut :
 - a. Kawentenang palguman indik pedum waris inucap ;
 - b. Yen tan prasida katunasang tetimbangan ring Prajuru (kerta desa) ;
 - c. Prade taler tan wenten cumpu ring penepas kerta desa kengin ketunasang ring sang rumawas (Pengadilan).
- (2) Prade karang inucap keputungan, patut prajuru nipakang ring :
 - a. Sang sinanggeh ahli waris manut pawos 63 ;
 - b. Sang kengin anggen sentana anut pawos 61 (2) miwah (3) ;
 - c. Prade taler tan wenten cumpu ring penepas kerta desa, kengin ketunasang ring sang rumawas (Pengadilan Negeri) .

SARGA VI

WICARA LAN PAMIDANDA

Palet 1

Indik Wicara

Pawos 67

- (1) Sane wenang mawosin mekadi mutusang wicara ring desa inggih punika prajuru Desa sinanggeh kerta desa.
- (2) Prade sang mawicara tan wenten cumpu ring pamutus kerta desa, kengin nunasang wicara inucap ring sang rumawas (Pengadilan).

Pawos 68

Pawos 68

- (1) sahanan wicara mawiwit kecorahan sakaluire sinanggeh nungkasin daging awig - awig, pasuara miwah perarem Desa. Prajuru patut digelis mawosin tan nyantos pesadok.
- (2) Sejaba wicara kadi ring ajeng patut nyantosang pesadok sang nunas bawos.
- (3) Panepase patut pastika nyantenang iwang patut melarapan Tri Pramana (Saksi, ilikica, bukti) miwah tan maren nepek ring Catur dresta.

Palet 2

Indik Pamidanda

Pawos 69

- (1) Desa wenang niwakang pamidanda ring warga desa sane sisip.
- (2) Peniwak inucap kelaksanayang olih Bendesa Adat.
- (3) Bacakan pamidanda luire :
 - a. Ayahan panukun kesisipan ;
 - b. Danda artha (dosa, danda saha panikel - panikelnya miwah panikel - panikel urunan) ;
 - c. Rerampagan ;
 - d. Kesepekan ;
 - e. Penyanggaskara.
- (4) Pamidanda sane katiwakang patut masorsingih manut ring kesisipane.
- (5) Jinah utawi raja berane pamidanda ngeranling dados druwen Desa.

Pawos 70

Indik Rerampagan

- (1) Krama sane langkungan ring tigang paruman ngelantur tan nawur urunan miwah dedendan wenang kerampag.

(2) Rerampagan

(2) Rerampagan ngangge tata cara kadi ring sor :

- a. Kelaksanayang antuk Prajuru kasarengin antuk krama tigang diri pinaka sabel ;
- b. Sang ngerampag saha darsana ngambil artha utawi nyawenin tanem tuwah. akehnya manut ring hutang sang kerampag ;
- c. Prajuru Desa miteketang mengda Artha sane kerampag digelis katebus, masengker awuku ring kutus (8) rahina pacang keadol ;
- d. Tan nganinin caluwiring artha sane patut inggilang manut Agama miwah tan mademang pangupajiwa sang kerampag.

Pawos 71

(1) Prade sang pacang kerampag ngewara (ngalangin) pelaksanaan inucap mewastu sampun tan nganutin awig - awig Desa tan wenten pemargi sedawaning kasepekang antuk Krama Desane.

(2) Pamidanda inucap ring ajeng buntas risampun sang kekaninin :

- a. Nunas geng pengampura ring Krama Desa riantukan nguak pasubaya (pararem) pecak ;
- b. Nawur pengangan penguak pasubayane duk pacang kerampag kadulurin prayascita panyaksak keiwangane ring desa.

SARGA VII

NGUWUH - NGUWUHIN AWIG - AWIG

Pawos 72

(1) Nguwah - nguwhin Awig - awig Desa Adat puniki kelaksanayang antuk paruman desa.

(2) Awig - awig puniki kemargiang ngawit keingkupin (keraremin) .

Pawos 73

- (1) Sakaluring sane waditen saderengaya patut keanutang ring kedaging Awig - awig puniki.
- (2) Sakaluring sane durung kebawos sajeroning Awig - awig puniki patut kelaksanayang manut tatacara sane sampun amara kadulurua antuk perarem - perarem.

SARGA VIII

P A M U P U T

- (1) Awig-awig puniki kararemin duk rahina Sukra Wage Wuku Kuningan Sasih Katiga Pananggal apisan Icaka Warsa 1915 Tanggal Masehi 17 September 1993 ngambil genah ring Balai Masyarakat Desa Dausa.
- (2) Awig - awig puniki kalingga tanganin antuk Prajuru Adat kasarengin antuk Kepala Dusun Dausa, Kepala Desa Dausa lan Camat Kintamani pinaka sakel.
- (3) Lutr Sang ngelingga tanganin :

1. Prajuru Desa :

1. Bendesa Adat Dausa,



I Made Sudana.

2. Pangliman,



I Wayan Sadriya.

3. Penyarikan,



I Made Ada.

4. Patengen,




I Ketut Biasa.

II. Pinaka Saksi :


1. Kepala Dusun Dausa ,


Mado Lebih.

2. Kepala Desa Dausa,


I Wayan Toker Mudana.

3. Camat Kintamani ,


Drs. I . B . M . Brahmaputra.

Bangli : 20 November 1993.

Reg. No. : 06 Tahun 1993.



MANGGALANING IANIRUKUH

DAERAH TINGKAT II BANGLI,


Drs. I . B . M . Brahmaputra.